

2. maj 2023

UPA 2023/59

Inunnut paasissutissat oqartussanit suliarineqartarnerisa inatsisit naapertorlugit suliarineqartarnerat pillugu Kalaallit Nunaannut inatsisip atortuulersinnissaa pillugu peqqussummut Namminersorlutik Oqartussat isumaqataanissaat pillugu Inatsisartut aalajangiiffigisassaattut siunnersuut.

(Naalakkersuisut Siulittaasuat)

Siumumiit iluarisimaarparput siunnersuut manna aqqutigalugu Kalaallit Nunaanni eqqartuussivinni paasissutissanik illersuisarnermut tunngavigineqartut danskit eqqartuussivii assigalugit paasissutissanik illersuisarnerit assinganik qaffasissuseqalernissaannut tunngavissamik pilersitsisoqassamat. Tamassumalu aamma ilaatigut kingunerissavaa nunatta nunatut isumannaatsutut akuerineqarsinnaanissaanut sulinermut atatillugu tunngavissinneqarneranik.

Siunnersuut aqqutigalugu innuttaasunut Kalaallit Nunaanni Politiinut, unnerluussisussaataasunut, eqqartuussivinnut pinerluuteqarsimasunillu isumaginnittoqarfimmut attaveqartunut paasissutissat isumannaatsuullutillu pitsaasuusariaqarnerannik anguniagaqarnerummat siunnersuut ilalernarpoq, soorluttaaq aamma ukiualuit matuma siorna inuttaasunut tunngasut paasissutissat atornerlunneqannginnissaat anguniarlugu aalajangersakkat naleqqussarneqarlutillu nutarterneqarsimasut.

Siumumiit taamatut naatsumik oqaaseqarluta siunnersuut ilalerparput Inatsisinullu ataatsimiititaliamut suliareqqitassanngortillutigu.